





卽山論序

仙○京○鬼○國○之○需○才○與○人○世○之○賢○羅○
等○不○急○奪○才○士○去○則○仙○鬼○無○色○故○
芙○蓉○鏡○化○作○白○玉○樓○五○色○毫○化○作○
甘○泉○賦○後○五○臟○不○容○盡○其○才○于○世○
君○烈○所○以○歿○也○君○烈○之○才○固○已○燦○

然○于○世○矣○讀○其○論○吐○字○皆○珠○潘○夫
人○唾○壺○中○火○齊○也○布○氣○雄○悍○薛○孤
延○與○霹○靂○鬪○也○走○勢○迅○厲○白○虹○入
室○就○食○作○風○雨○聲○撼○戶○庭○也○迎○刃
卽○解○高○陽○氏○畫○劍○騰○空○指○方○而○克
也○飛○光○射○影○漢○宮○燃○九○光○之○燈○迎

王母也。錯落成章。午橋莊小兒坡。
羊羣散芳草也。結氣異脉。廬山白
氣平分六道。橫出一枝佛法也。流
響清激楚。孫登琴遇雨磔然黑蛟
踊而起也。風味清美。洞庭霜柑三
百顆。交梨火棗與許道士也。暎帶

多色。帝女之桑。其枝四衢。葉盈于尺。黃赤青碧相間也。驚座高談。蕭脊着虎皮。衝上座也。逗遛微露。桃花源渙郎尋波而入也。奇幻多譎。鸞籠中書生口吐銅盤也。豐贍徹體。牢固供客。竟日皆美。晚至猶護。

盛饌也。笙歌鼎沸。不作冷淡生活。
水媚山輝。不作粉愁香怨。別有天
地。不作依樣葫蘆。帶圍日寬。文氣
日上。仙才之粲齒。鬼才之嘔心。無
所不極。誰不思潛奪之。肯長畱生
世哉。君烈所以歿也。

仙臞何偉然題

廣快書卷十

西湖何偉然仙臞纂

瀨上彭元采遵亮定

卽山論

沈君烈元本

秀才以天下爲已任

夫士頡頏而煉英雄之器。豈易乎哉。將爲蓬蓬
炎炎。玉輝劍舞。而與蛟龍爭雲霓風雨之場。而
時不會也。將爲吁吁嚅嚅。草消蟲腐。而與燕雀

爭藩籬枳棘之網。而志不甘也。將爲呶呶喔喔。
老其身于蟬魚。如陰春蟠蚓。如枯秋嘯蟬。而恐
其盜虛聲也。將爲詹詹戀戀。工其態於陽鱈。乞
靈東郭。步徑終南。而恐其犯尋柱也。於是不得
不議。任夫任空局也。秀才而高談天下之任。尤
空談也。含蔬踐躋。鏤塵畫餅。得無遺守瓶者譏。
而青山白石。遙託經綸。又得無開狂流洗駕之
路乎。曰。不然。士之旣任天下。則轉欲潛潛則壯。

夫之修。不至飄忽于豪華富貴士之未任天下。則轉欲亢亢。則名儒之膽不至委于貧賤饑寒。譬之摩霄之鱗。揚鬣則六幕之烟畢起。耀甲則九蒼之色齊搖。人莫不咄咄驚怪。以爲有大力者負之。而不知其大力正不于摩霄之日也。蓋自泥負而已。負此矣。故天下者。士之霄也。任者。士之鬣甲也。而秀才時便以天下爲之任者。士之泥伏之大力也。自古結繩畫卦任。而皇者也。

平章風動。任而帝者也。定鼎牧宮。開基牧野。任而王者也。耕犁釣笠。勲爛江山。市販纍囚。光掀日月。則任而卿而相者也。卽不然而伊優堂上。骯髒門邊。筆追鳳麟。舌誅禽獸。尚可挽奔瀾之倒手。扶雲漢。胸羅星斗。還堪起傾厦之衰。則亦任而聖而賢而豪傑者也。之數人者。懸之天半。則爲皇爲帝爲王爲卿相爲聖賢爲豪傑。恍如朱霞白鵠之莫可攀瓊樹瑤枝之莫可多得而。

試置之巖中則局然一晁藻之青衿而千秋之
白首窮經者耳然則丈夫之任天下顧自立也
而遇不遇何論哉故簞瓢水味卽以引天下之
饑渴也怵惕關心卽以茹天下之痼瘵也蒲之
截柳之編卽天下之霄旰吐握也盆之魚牕之
草卽天下之壽域春臺也魚之叩壺之擊風雪
晦明之嘯譌卽他日天下之激烈忼慨而吐氣
者也當此時晝問屋梁夜問篝燈千里之心未

嘗不驕嘶于轅下。設有時前席而逢宣室之咨。捫虱而談當世之務。三分之業。固已預畫於隆中。蓋其蘊任之源。如斗之柄。東西指而不惑也。其沛任之勢。如崑崙之脉。迅注太行。王屋間。雖百折不回也。其沉任之識。如學射者。凝神于三年。而虱如輪也。其鍛任之骨。又如夜行之羽。可以飲石而運斤者。削堊而鼻不傷也。是以出而任天下事。而天下大利大害。有不驚如神龍負。

舟○舟○中○之○人○五○色○無○主○而○禹○直○蟻○視○也○而○天
下○大○疑○大○紛○有○不○眩○如○金○牛○卻○窾○鉞○刃○莫○施○而
庖○丁○游○之○有○餘○也○而○天○下○大○議○論○大○功○業○發○人
所○不○敢○發○成○人○所○不○敢○成○而○有○不○避○如○數○家○珍
如○驅○熟○路○如○孫○吳○韓○白○之○兵○從○橫○曲○折○而○靡○不
勝○也○此○豈○待○任○天○下○之○日○始○得○此○乎○哉○總○之○如
摩○霄○者○然○從○泥○伏○時○裕○之○耳○而○輓○世○異○是○矣○峩
冠○危○屐○爲○士○風○詩○垓○酒○政○爲○士○習○韻○不○留○牙○矣

捉風流之塵。慧非見性。漫逃狐野之禪。則以爲
上品。甚且挾侶呼羣。包填鱗甲。敢發大盜之塚。
噓唇鼓舌。搖奪公庭。囂甚大學之生。則又以爲
士氣。而秀才之所任可知矣。卽幸而得當。而繫
組銅墨之間。鳴呵金馬之上。乃摩胡無色半叨
伴食之名。狼狽不收。盡改山中之面。曾是宦路
之簪纓。王家之鍾釜。固足敗人如此哉。則秀才
時先下一不淨種子也。故秀才以天下爲已任。

格語也。山岳之節。咀味於薤鹽霜雪之聲。凌寒於松栢。嗟乎。仲淹人物。寧獨居宋朝第一也。

便以天下爲已任

嘗觀先賢有云。太公志於王而得王。管夷吾志於霸而得霸。諸葛孔明志於三分鼎足而劔閣之雄。終其世。足以拒曹而鬪孫。嗟乎。此任之說也。昔人有從李廣射虎者。中道而懼。止於郊。蒐雉兔以返。曰。亦實歸也。此不任之說也。是故尺

箠當猛豹。可以相持。徒手過蜥蜴。壯夫却步矣。則有挾與無挾之辨也。知此。可與論范仲淹。任天下之才矣。夫仲淹之任天下。不任于垂魚綰綸。建旄秉鉞。出將入相之日。而任于秀才時。君子曰。此志也。余嘗綜究百代之變。而知任極難焉。世界有堅有破。負擔有壓有昂。而人才之膽智骨力。又有奇有腐。垂絲而懸千鈞之石。築堤而壅倒海之波。識者終不敢定其究竟。此陸贄

李泌匡維百策而終不能挽唐祚之落者也。所謂有堅有破也。任一難也。櫛不可以治庖。而七不可以理髮。此房琯之所以敗也。所謂有壓有昂也。任二難也。高才茂學俱可以前主之席。臨帝之軒。而牽引經傳。不如治安之牘。猶有藥石。此董之所以遜賈也。上書獻策。俱慨然有救濟之氣。而摹擬製作。豈似佛骨一疏。至今凜凜生色。此通之所以遜愈也。所謂有奇有腐也。任三

難也。代至於宋。而其任之成壞。尤最彰彰者也。自五星聚奎。光應於天。半部論語。聲唱于位。而任天下者。鵲起。或以焚香必告任。或以水旱必陳任。或以不慕溫飽。以定策兩朝任。或以爭獻納二字任。或以經義治事任。或以坐請經筵任。諸不可更僕數。大要英英卓越前代者。號極繁然。司馬光任天下而成。王安石任天下而壞。元祐有君子任焉而成。紹聖有小人任焉而

壞李綱趙鼎張岳之流。任之而成。賈似道秦桧。汪黃之屬。任之而壞。甚矣。任天下不可輕議也。前有此任之難。而後復有此任之壞。甚矣。士志之。不可不預挾也。而仲淹何如哉。始而授教。旣而執簡。又旣而經畧邊鄙。又旣而正色廟庭。凡其所爲。喪西賊之心膽。樹百揆之羽儀。伏閣之諫。上殿之爭。畫利害如指掌。貯甲兵如武庫。而秉節介如山嶽者。皆從薶鹽中陶鍊得力也。是

故鷹揚奮其烈。太公所以鼓刀于市也。內政擅其強。夷吾所以不死于囚也。流木之巧。擒縱之略。鞠躬盡瘁之忠。回首無漸於三顧。此卧龍之所以出茅廬也。而不然者。卽僥倖功名。爲雉兔何足道哉。朱子曰。真正英雄。必須從戰戰兢兢中來。夫士當驤首翔翼。上摩雲漢。則心胸不可不拓。眼境不可不寬。而又必欲持玉捧盈。居以抑畏。此其說何居。任者才也。必欲任者志也。而

又若弗克任者養也。必戰戰兢兢而後可以任天下。必戰戰兢兢以任天下。而後乃爲真正英雄也。世之空腹高心。而大其口以欺世者。毋輕藉口仲淹也。

士之品有三

夫案品卜士。此衰世語也。何也。士固有一品。無三品也。士至以品賣聲名。而被褐之玉。日賓賓如建鼓矣。士之品至以三鼎足。而處幃之蝨。鬪

牀之蟻。日暖暖姝姝。如東西帝矣。夫品猶驥之
啗也。石之暈也。鳳凰之藪澤也。獸不育豺。雞不
畜狸。而稂莠俱登。薰蕕偪處。非國家之福也。膏
自焚。木自寇。漆自割。而蛾眉入宮。芳蘭當戶。亦
非士之福也。故曰。士分三品。此衰世語也。不見
夫糠粃之目。而四方易位乎。鹿可馬。而梟可鸞
乎。非士之態乎。不見夫芝苓雄喙之時。爲帝乎。
梁麗可以衝城。而不可以窒穴。鷦鷯夜可以撮

蚊蚤而晝不見丘山乎。非士之伎乎。不見杯蛇
弓影而鑠金銷骨乎。曾參可以殺人。顏淵可以
攫飯。而許由可以竊皮冠乎。非士之累乎。不見
夫佞於隋而忠於唐乎。不見夫附司馬卽陷司
馬。附章惇卽背章惇乎。非士之心智乎。不見夫
愛老而臣尚少。愛少而臣又老乎。不見夫瞋而
予人官。笑而不予人官乎。非士之時命乎。故古
之士。一夔而足。則不庸三也。三代以後之九品。

八徵六行四科。則又不翅三也。三品之說。必始於三不朽。立德立功立言。而其敝遂浸淫而有道德功名富貴之徑。隱然若敵國焉。而吾以爲非也。除道德則功名富貴。猶南北崗之相笑也。土木偶之相訾也。何也。士故有一品無三品也。品之逸者。莫如東海之華士。魯國之聞人。而不知其可誅也。品之儉者。莫如公孫弘之布被。而不知其阿世也。品之溫者。莫如王莽之折節。

而不知其奪漢璽也。品之韻者。其如麈尾之風。
流。而不知其神州之陸沈也。品之潔者。莫如灌
園之螬蚓。而不知趙威后之欲殺也。品之圓者。
莫如長樂老。而不知視四姓十君如傳舍也。品
之騷雅者。莫如相如之子虛。子雲之太玄。柳宗
元之晉問諸作。而竊貲而當犢鼻之墟。劇秦而
投草玄之閣。黨伾文而竄鉅母之潭。則令人掩
面也。品之巍卓者。莫如漢之元禮。唐之贊皇。宋

之程蘇兩家。而龍門之禍。與仙舟俱汎。白馬之
血。與濁流俱狂。枉死市之歌哭。與嶺南之瘴雨
蠻烟俱慘。則令人短氣也。故望塵而遙拜。買山
而充隱。而士之品可醜矣。使丹火銀一鑲。知制
誥。一日可以不恨。而士之品可悲矣。應高蹈丘
園之科者。投名冊府。應不求聞達之科者。走馬
都門。而士之品可絕倒矣。故士有真品者。如歲
寒之松。如雞羣之鶴也。士有真品者。如萬斛之

舟如千鈞之弩。如百鍊之金也。士有真品者。如
劍之承影。如珠之夜光。如桃李之成蹊。而不言。
神龍之倒挂。而不見首尾也。何也。士固有一品。
無三品也。士必不爲鼠之嚇。士必不爲鳧之洗。
士寧爲轅下駒。不爲車上僂。士寧爲眼中釘。不
爲笑裏刀。故墮都却菜。卽尼山贊修之士也。扣
馬鷹揚。卽瀕海耕釣之士也。安劉在北軍之袒。
卽士之本訥而少文者也。反周褫集翠之裘。卽

士○之○委○身○而○事○女○主○者○也○挂○冠○神○武○見○幾○士○也○
借○劍○尚○方○直○節○士○也○以○靴○尖○折○服○力○士○之○驕○而○
士○之○品○愈○貴○也○以○客○星○入○犯○真○人○之○座○而○士○之○
品○愈○俠○也○至○芻○狗○土○苴○物○卑○卑○不○足○置○齒○頰○卽○
功○名○固○秀○傑○之○梯○航○矣○而○不○然○亦○浮○雲○過○鴈○也○
不○然○亦○枝○指○贅○疣○也○不○然○亦○長○袖○之○舞○而○多○錢○
之○賈○也○一○而○已○矣○何○言○三○也○何○也○士○固○有○一○品○
無○三○品○也○然○則○牆○之○壞○也○有○隙○木○之○蛀○也○有○朽○

劍之折也。有齧。士之品。如亾羊之岐。而可不自
愛其鼎也哉。雖然。楚愛細腰。而宮中餓矣。齊惡
紫臭。而境內變矣。善乎先喆之言曰。使士之智
若魚鳥則可。夫士之不爲魚鳥者。幾人哉。敦名
教以培實學。寬文法以馭不羈。磬石城之水。辨
河陽之豬。以崇雅而黜浮。變臨淮之旗。拔趙壁
之幟。以揚清激濁。鑄三品爲一品。端有望於養
生者。

名教中自有樂地

樂彥輔曰。名教中自有樂地。斯言出。晉風流諸君子幾垂首矣。千載後。余請得爲畢吏部解嘲。馬曰。彥輔非知名教者也。知名教。不復於樂地。生揀擇矣。戀道腴之心。與戀俗味之心。等臙耳。且名教何如者乎。豈如啼之羽。齒之角。不相兼者乎。豈如矛之銳。盾之堅。不相能者乎。又豈如牛之穿馬之棧。鳥之籠。羝之藩。囚之桎梏。圍圍。

相逼而不得展者乎。如是則聖賢方日矜冠攝步。左顧右盼。冷暖有幅。啼哭有押。一旋瞬而議。隨其後。憂憊不暇。而又奚樂之有。且旣謂之樂。則行地皆水也。萬川皆月也。五色皆摩尼也。三十六宮皆春也。葡萄瓔珞。與瓦礫糞壤。無異也。大地山河。與芥子微塵。無異也。哀衣莊拜。與嬉笑怒詈。無異也。杰智奇才。與顛趨夢語。無異也。書之淫。傳之癖。與痴之嗜。無異也。回之琴。點之

瑟與謝之屐。稽之鍛。無異也。指心血流。叩天泣。
下。絲之哭。岐之悲。薪卧膽。嘗之痛。與玉堂遶紫。
金谷圍紅。可歌可畫之謹。無異也。而必謂斗酒。
非名教中物。銜杯非名教中人。箕踞詼諧。遊戲。
放浪。非名教中法。則豎儒之邊識矣。且吾見世。
有尸祝名教者焉。舍唐虞無型。舍周孔無祖。津。
津借殘膏剩瀋。踞上流以箝世。而一當身家妻。
子利害死生。輒聲嘶膚戰。共秋蟲同慘矣。特有

幸有不幸。故囂雄者。獨收富貴豐毳之快也。然則名教者。又奸之究。而彥輔以爲樂地。嗟乎。真樂地也哉。且彥輔亦知散髮捉麈。荷鍤營丘。固有志乎。大丈夫胸積無限磊砢。聊以英氣耗磨。詩酒間。春風沂水。卽此甕頭之香也。袒裼裸裎。卽此鄰舍之狎也。夷狄居而鹿豕親。蝴蝶遊而馬牛應。卽此栩栩然盜飲。陶然至醉。頽然就縛。恬然達旦而不知也。彼方以三昧神通。玩弄紅塵。

於掌而此以如豆之眼。竊竊作尺鷃笑。吾不知其所拈者果何樂耶。抑有甚者。援引典午陸沉。立風流罪案。寃矣。氣節莫壯於漢朝。不能奮白蛇於末造。理學莫朴於宋室。曷嘗挽黑龍於旣衰。夫風流敗名教耳。乃氣節理學何如哉。且白眼看人。青尊引滿。豪狂優孟。代未必乏。而留韻有幾。則嗔之俠。酣之聖。政未可輕短耳。昔張京兆以畫眉見訶。京兆曰。閨房之事。有甚畫眉者。

余謂此語。可以謝彥輔矣。嗚呼。世之削也。雲起水窮。盆魚。牕草。至今日視之。癡情。迂態。將轉與畢吏部同嘲。吾恐彥輔。又何說以解。

聖人安內以攘外

制天下者。勢而已矣。制天下之勢者。朝廷而已矣。勢者。忽翕忽張。於天下之內。而天下不測其所變化者也。有精存乎其際也。朝廷者。又潛吹潛息於勢之內。而勢不出其所範圍者也。有神

行乎其間也。故善操天下之急。不恃赫聲濯靈之挾天下而走。而恃有以利導於勢。善操勢之急。亦不恃才鋒智刃之負勢而趨。而恃有以戰勝於朝廷。則聖人安內以攘外之說也。請爲之移。其說於擊劒者。擊劒而掉其觚。則雖司馬劓。不能割腐木也。請爲之移。其說於揭關者。揭關而操其端。雖選士不能絕地也。請再爲之移。其說於搖木者。搖木而一一攝其葉。則勞而不

徧左右拊其本而葉徧搖也。夫安內者則亦劍
之觚也。關之端也。而樹之本也。是故莽有戎也。
車有鬼也。宮有虎也。五步之內有血濺也。卷婁
之間有轆裂也。夢覺之頃有湯火也。遊於凝碧
池而有漁陽之鼓。輦驚破霓裳舞也。讌於金明
園而有壓頭之蒯錢。幾偏御袍也。則吾觀於酒
池肉林。牛飲三千。卜夜達旦。以內爲糟丘之場。
而不得安者。則吾觀於金屋翠輦。蛾眉二八。望

幸承恩以爲香粉之場而不得安者則吾觀於西園左驪宮中白望稅陌間架筭商榷酤以內爲市井之場而不得安者則吾觀於梨園子弟羯鼓花奴玉樹之聲清夜之曲以內爲教坊之場而不得安者則吾觀於楊柳堤花石崗珍禽奇獸充斥上苑猿啼鶴淚夜靜深聞以內爲山林之場而不得安者而未也內一不安而姑蘇之臺卽麋鹿之徑也而未也內一不安而昭陽

之殿。卽單于之宮也。而未也。內一不安。而舞馬之杯。胡旋之舞。卽長安少年之胡心也。而未也。內一不安。而卽築長城。壓王氣。而不免軹道之災也。而未也。內一不安。而卽自將待邊。犁庭空幕。而不免博望之涕也。而未也。內一不安。而卽庫杖詭對。繒帛纏樹。市店不取值。以給胡人。而無爲也。而未也。內一不安。而卽誅清河。殺萬人。僂五孃。除方面大耳。而無益也。故呼韓稽顙。屠

耆○接○踵○不○足○爲○外○之○侈○而○惟○慮○內○有○趙○霍○橫○行○
原○嘗○斷○擊○之○姦○饑○餐○虜○肉○渴○飲○奴○血○不○足○爲○外○
之○雄○而○惟○虞○內○有○牛○李○之○禍○洛○蜀○之○黨○踏○賀○蘭○
之○山○繫○名○王○之○組○定○天○山○之○箭○勒○燕○然○之○石○不○
足○爲○外○之○威○而○惟○恐○內○有○遼○東○浪○死○之○歌○虎○頭○
都○護○生○入○玉○關○猥○臂○將○軍○肘○垂○金○印○乘○槎○仙○客○
路○犯○銀○河○不○足○爲○外○之○艷○而○惟○愁○內○有○壠○上○揭○
竿○之○變○青○袍○如○草○白○馬○如○練○謀○臣○如○雨○猛○將○如○

雲不足爲外之快而惟患內有南詔之禍同牀
在旁之孽紫淵爲池赤岳爲隴鑄銅爲柱鞭石
爲橋不足爲外之奇而惟耻內有中流夜半之
啼蓋安內則雖明妃不嫁而外固已睦矣如冠
蓋園橋而匈奴遣子入侍者是矣安內則雖大
宛不通而外固已賓矣如肅慎之楛矢是矣安
內則雖樓蘭不斬而外固已震矣如頡利之稱
天可汗是矣安內則雖嫖姚不出塞而外固已

不○敢○牧○馬○彎○弓○矣○如○汲○長○孺○之○寢○淮○南○謀○是○矣○
安○內○則○雖○陰○山○不○慟○哭○而○外○固○已○舉○手○加○額○矣○
如○中○國○司○馬○之○相○北○門○寇○萊○公○之○鎖○鑰○是○矣○而○
終○不○然○者○十○狎○客○之○遊○也○九○公○主○之○亂○也○秦○虢○
三○國○之○如○雲○也○內○適○爲○外○羞○也○而○不○然○者○八○關○
十○六○子○之○朋○脇○也○七○貴○之○專○權○也○九○尾○狐○之○惑○
也○五○鬼○之○煽○禍○也○內○適○爲○外○釁○也○而○又○不○然○者○
借○夷○狄○以○劫○父○也○借○藩○鎮○以○除○宦○官○也○外○又○適○

爲內崇也。而又不然者。淮蔡下而龍首遂浚。吳蜀平而羊車遂出也。外又適爲內玩也。則皆不講於安內以攘外之說也。以內爲腹心。以外爲榮衛。以內爲堂戶。以外爲藩籬。此吾之所謂勢也。如奕之先着也。以安內爲治本。以攘外爲治標。以安內爲朴斲。以攘外爲丹蘄也。此吾之所謂制天下之勢也。如裘之挈領也。有時以興六月之戎車爲安攘。有時以舞兩階之干羽爲安。

攘有時以歸馬放牛爲安攘。有時以卧薪嘗膽爲安攘。此吾之所謂制天下之勢在朝廷。而有精存乎其際。而有神行乎其間也。如常山率然之首尾。俱應也。微乎微乎。非有知幾之神不解安。非有純氣之守不及安。非有萬化之心不能安。故必歸之聖人。而若夫封豕長蛇之擾也。稱蛾號米之紛也。前虎後狼之進也。則皆安於巢幕。安於處堂。安於積薪厝火。安於鑄甲銷兵。爲

金人十二。有以階之厲也。故聖人之作用。有安內以攘外者。而學聖人之機術。又有釋外以內懼者。

魚頭叅政

蓋士大夫立朝。以骨爲主。骨者天之勁氣所集也。人熱血所團也。亦物之至性所樞也。故可畏而不可犯。則骨之奇也。可憎而不可憐。則骨之古也。可買而不可豢。則骨之雋也。可煨而不可

銷則骨之貞也。可殺而不可辱。則骨之傲也。可
瘦勝肥。狂勝癡。而不可爲肉食之鄙。則骨之孤
香也。可捩指覆羹。轉喉觸諱。而不可飛鳥之依
則骨之怪偉也。宋史載肅簡魯公之剛心直節。
而當時貴戚用事。重足斂手。有魚頭叅政之目。
至今使人讀之。慄然髮竦。油然色飛。喟然聲咳。
蹠足曰。嗟乎。大丈夫不當臨淵羨乎。請夷考巖
廊之鵠立。而約略其生平之豹班。而有如折劉。

后之問而野雉爲之剷彩者非魚頭何以杜牝
鳴之端而有如止七廟之請而城狐爲之奪魄
者非魚頭何以坊跋扈之漸而有如執簡遏慈
孝之乘輿而宛似怒螳之欲當車者非魚頭何
以寢宮中之虎而有如抗聲攻館閣之子弟而
宛似投鼠之不思罨者非魚頭何似驅座間之
蠅而吾於是不能無墮淚於千載之上下矣玉
階方尺地大江湖也大池沼也劍佩千官波臣

也。九錫十賚之爵祿功名釣也。綸也。而寔亦雲也。霧也。是皆所以愛惜培植而鼓厲之者也有男子於此。以古聖賢之尺素書置魚之腹。以饑寒盤錯之秋水淬魚之腸。以天子設科取士之鬼鼓火鞭燒魚之尾。而顧不得以一片之鐵石肝膽占魚之頭。其何顏面以蹈馬蹄之路。集鳳毛之池。而立蛾眉之班也哉。自夫慕羶而魚化爲螳。自夫點壁而魚化爲蠅。自夫營窟而魚化

爲兔自夫糾結而魚化爲蛇螭自夫瑣細而魚
化爲蟣蝨自夫笑不可測而魚化爲人貓自夫
飛而食人而魚化爲政虎自夫精爽飄忽而魚
化爲驚蝶自夫冠裳齟裂而魚化爲沐猴自夫
狡獪不可方物而魚化爲黠鼠自夫掃丞相之
門而魚化爲鷹犬自夫伴中書之食而魚化爲
雞鳧自夫陰柔而魚化爲九尾狐自夫譎佞而
魚化爲百舌鳥自夫黷耗而不舞不鳴而魚化

爲羊公之鶴。自夫走險而窮。獲反噬而魚化。爲
中山之狼。而魚之變態極矣。嘗試循覽傳誌。品
置公卿。從來垂魚之袋。飽魚之鯖。賦賞花釣魚
之句。從先踵接。而求魚頭。叅政之目。指未易多
屈也。繇是觀之。能爲魚頭。可擊當道之豺狼。而
不能爲魚頭。則雖狐狸。不可問。能爲魚頭。可以
破滿堂之燕雀。而不能爲魚頭。則雖鹿馬。不可
訶。能爲魚頭。可以拆鸚鵡之翼。而不能爲魚頭。

則○不○過○如○鸚○鵡○之○能○言○能○爲○魚○頭○可○以○爭○殿○上○
虎○不○能○爲○魚○頭○則○反○不○如○殿○上○之○孫○供○奉○能○爲○
魚○頭○可○以○馴○驪○而○不○能○爲○魚○頭○則○寧○弔○長○沙○之○
鵬○能○爲○魚○頭○可○以○刺○彘○而○不○能○爲○魚○頭○則○寧○思○
江○東○之○鱸○甚○矣○國○家○之○如○海○中○山○也○而○羣○臣○之○
如○釣○鰲○客○也○有○如○一○魚○頭○擊○而○國○作○鼇○柱○衆○魚○
頭○聚○而○國○不○成○蜃○樓○乎○衆○魚○頭○環○而○國○扶○於○蜃○
蛭○之○百○尺○卽○一○魚○頭○奮○而○國○不○曉○於○杜○宇○之○數○

聲乎。而何以鼠首者多。蠆尾者多。鴻爪者多。而
魚頭者卒寡也。魚頭之黠額暴鬚。半繇溪澤之
狎習。而魚頭之乘風破浪。亦半繇濤颿之養成。
蓋至鸞翮之有鍛。龍性之不馴。而魚頭逝矣。蓋
至麀頭鼠目之求官。龍章鳳姿之不用。而魚頭
沉矣。蓋至眊薄餌驚震雷。而魚頭駢矣。蓋至掬
升水活涸轍。而魚頭枯矣。蓋至罹於筍。遊於釜。
登於俎。而魚頭泣矣。蓋至江魚之腹葬。鴟夷

之屍暴伏有立斥之馬。墀有撲殺之獠。而魚頭
碎矣。蓋至藉龍門之黨。投白馬之流。下蟄龍之
獄。而魚頭一網盡矣。然則主上不學巨壑之縱。
偏學淵中之營。左右諸人。又不學泥塗之援。偏
學竭澤之漁。而魚頭若之何。曰。魚固所謂以骨
勝者。也有骨在。則寧逝寧沉。而決不肯以其頭
爲羝羊也。有骨在。則寧駢寧枯。而決不肯以其
頭爲寒蟬也。有骨則寧泣寧碎。寧一網盡而決。

不○肯○以○其○頭○爲○陽○驕○也○故○謂○之○魚○頭○也○雖○然○魚
頭○之○難○不○難○於○注○小○臣○之○釣○而○難○於○愛○大○臣○之
鼎○攫○龍○之○鱗○編○虎○之○鬚○而○不○顧○覆○鵲○之○卵○此○賤
丈○夫○之○頭○妄○輕○一○擲○者○耳○叅○政○下○宰○相○一○等○於
螭○陛○爲○和○鸞○於○鵷○行○爲○野○鶴○於○雞○林○龜○國○爲○騶
虞○祥○麟○故○有○魚○頭○叅○政○必○能○容○驄○馬○御○史○有○魚
頭○叅○政○必○能○遣○猿○臂○將○軍○有○魚○頭○叅○政○必○能○布
鎬○脚○刺○史○有○魚○頭○叅○政○必○能○裁○狗○尾○之○貂○蟬○羊

頭之都尉有魚頭叅政必能絕繇竇之尚書識
面之臺官語有之家有猛狗則美酒不售鳳有
利觜則好鳥不賓然則所謂骨者又特以威鳳
之難見走麝之遺香爲骨而非以爪牙角距之
猙獰爲骨也故謂之魚頭者也維時肅簡公精
誠不欺而仍不爲小謹間與故人裸賓魚服就
酒家飲則吾知蛟不能龍而龍未始不能爲蛟
也雖然有如內而裏甲腹鱗外而拂鬚唾面保

全首領以爲得大臣體以是爲巧於魚頭是又
海魚之吐墨自衛者也而不知漁父隨其後也
誤處多緣不學

學必有誤乎哉曰閉門造車出門合轍學必無
誤乎哉曰博塞挾策異趣亡羊學則必不誤不
學則必誤乎哉曰指在手間月在天上然則何
如曰學爲誤地也誤亦爲學地終日學終日誤
也終日誤終日學也此千古聖人之學而開創

之天子所爲陰用而不以語人者也。請觀高帝
高帝一生學問。全在誤處得力。而議者乃曰。多
緣不學。嗚呼。此酸語也。天子之學。與儒生不同。
儒生之學。如雛燕之學飛。如坐蛙之學語。其究
也。如蟬魚之生死尺幅中。以之飽腹可矣。變化
何有哉。天子之學。如神龍之不學蛇足。如鸞鳳
之不學雞伏。其究也。如夏雲之成峰。蟲葉之成
字。有自然之文章焉。不爭工拙於皮毛也。若使

儒生高其學而妄學天子之學是刻鵠也。畫虎也。誤也。若欲天子曲其學而下學儒生之學是截鶴也。續鳧也。尤誤也。古之聖人殺人父爵人子誅人君擅人國縱橫不測亦嘗祖誰氏之學哉。誤信廷薦而以湮水之才禍百姓九年誤以其軀蹈井底之危而不知骨肉之將甘心而下之石不知避咎而誤櫻剖心斷脛之鱗囚其服而噉子之肉不知料事料人而副托一誤幾傾

八百王基不然齊衛終非好相識而誤往誤來
岌岌乎頻蹈於奸雄盜魁之手繇是觀之堯舜
文王周公孔子皆不學者也堯舜文王周公孔
子未嘗以是損學則謂誤緣不學豈定論哉然
謂高帝不學亦自有說帝以布衣提尺劍起草
澤中今日驅失鹿明日鬪沐猴又明日憂走狗
身不離鞍馬之間手不離矢鏃之用口不脫謾
罵之聲耳不外躡附之語目不越刀筆屠販之

人心志不出宮室寶貨子女之計。如是而謂不學。信不學也。孰知高帝正以此時時學哉。語曰。學書紙費。學醫人費。經一煨者。堅一骨也。遭一蹶者。滋一智也。學騎者之於陸也。不知幾挫頓。而後其騎巧。若裹足而誇組舞。爲燕人所訶而已矣。學沒者之於水也。不知幾浮沈。而後其沒神。若袖手而喜泳游。爲越人所笑而已矣。高帝亦若是也。帝知支離之學。反足以誤人。而通變

之學原易以入誤而無心之誤每可以精其學故不自諱其誤亦不自諱其不學誤則悔悔則改至於能改此真聖天子之學而豈復有所謂學哉若夫讀書識字面壁磨軌選山結社以是言學是幅巾方袍之家意氣無聊高談性命聚徙而噉名者之所爲也豈長駕遠馭經略海內之主所事哉不見夫才足飾非辨足拒諫者乎不學而能之乎不見夫新莽之井田乎不居然

是學乎。不見夫耳聽正心誠意之論。而邊境日削者乎。學之益固如此乎。然則謂誤處緣不學過矣。大約誤處多緣學耳。幸高帝聰偉絕塵。不爲詩書所縛。幸一時羣臣亦皆俊爽有用。不弄蒸砂鑊塵之齒舌。故成功以有天下。不然。令爾有板閣之書生。執簡以繩高帝。曰如何是學。如何是不學。而帝亦必退然正襟危坐以修學。竊恐漢之爲漢。正未可知也。吾聞帝常溺儒冠。其

卽溺若輩也歟。或曰。學亦有辨矣。副墨洛誦。不足尚也。至德要道。可少歟。曰。予非病學也。病宋學也。宋儒以學之一字。欺壓千古。卽問宋家實實有用之人。不必盡出於講學之人。故急急正之。不直爲高帝解嘲。直欲爲千古大學問人吐氣也。

養民以致賢人

謀國者。欲攬天下之勢。必先收天下之心。天下

之勢懸於賢豪。而天下之心。伏於編戶。心失則
勢孤。勢孤則天下破。非民心之足以破天下。而
君自破其勢。則天下遂無所倚。而大事不得不
去焉。故明主鞭山立海。撻虜笞夷。橫行域內。何
鋒不摧。而於區區匹夫匹婦。獨不敢草芥視。蓋
以草芥其匹夫匹婦者。乃自草芥其社稷河山
也。夫人主之社稷河山。始以百戰收。而後以草
芥視。此英雄所以却步也。善乎蕭鄴侯論致賢

而先之以養民。嗚呼。此勗畫也。人主有不願致
賢人者哉。戎馬則思雲臺之賢。清讌則思瀛洲
之賢。簡書而效馳馳。則思埋輪攬轡之賢。幃幄
而談禮樂。則思調羹補袞之賢。而賢伏堪巖。困
蘿薜。亦且挾籌而思吐。望闕而欲飛。此時也。一
束帛之力。一蒲輪之功。宜無不謝。松逕裂荷裳
而畢集者。烏俟養民爲。且民者賢養之民養矣。
又烏用賢爲。嗚呼。不知才流傑品。正不可以結

客之虛聲動也。而於整頓宇宙之始尤甚。此無
他。亦惟求之人主之心而已。越王式怒蛙。士爭
嚮之。豈一蛙足以引士哉。心引之也。夫民亦人
主之蛙而已。天下有桀紂於民。而堯舜于臣者。
無有哉。天下有鴻散於野。而騶鳴於谷者。無有
哉。天下有鳳而巢空林之獵。龍而穴涸澤之漁。
者。無有哉。故賢人高卧於雲壑。而延頸於丘園。
固。日。夜。念。蒼。生。而。尤。日。夜。窺。真。主。深。官。之。羅。綺。

嬌春而閭閻之短褐自憐、捉衿欲露則賢人之
目不忍覩也、金殿之笙歌迴雪、而井巷之白頭
泣月黃口啼風、則賢人之耳不忍聞也、九重之
薨棟列星辰、驚燕雀、而華簷蒲屋有茅茨不剪、
家徒壁立、霜宿而風淒者、則賢人之足不忍舉
也、尚方之脯膾羅水陸、窮豹麟、而村落烟墟有
半菽未飽、三黼無登、殯其首而鵠其面者、則賢
人之口不忍言也、賢人不至、則不賢者必至于

是養蛾眉於曲房而民情傷、則泣魚望倖食桃、
取妍之人致矣、養神仙于海上而民志惑、則掌
露呈奇、腹書詭託之人致矣、養猛士于四方而
民役繁、則彎弓挑釁、荷戰開邊之人致矣、養酷
吏之鷹于左右、而掊民之命、則武健之人、敲扑
搏擊、羅織煅煉、與周來競名者致矣、養虐政之
虎于國中、而削民之膏、則持籌之人、頭會箕歛、
筭商權酤、與桑孔爭術者致矣、如此者皆非賢

也。賢不能致。而所致者又非賢。社稷未有不敗。河山未有不傾者。則人主何樂乎以民恣也。是故養之急焉。夫養亦何嘗之有。扶則生。蹴則萎矣。朝而灌沃。則長。夕而棄置。卽消矣。本根血脉之相盤。則發榮。枝葉膚色之相煦。卽凋落矣。故爲君者。雖賢人不至。民決不可不養。而况賢又乘之去就者乎。慈母之養子也。體認饑寒。撫摩痛癢。不遺餘力。然而非謂有咎其不慈者。姑以

此修名也。亦非謂嬰兒有知。以此市惠于其子也。子而至于離襁褓矣。就外傳矣。莪然成人矣。亦非謂遂漠置之不關也。無他。真愛結也。養民亦如是矣。煖之養其身也。哺之養其腹也。易劍以犢養其四肢也。除賦之蛇養其入口也。通之以焚惛之厄。養其情也。薰之以弦歌之良。養其性也。避殿減膳。以隱微養也。佚使生殺。以委曲養也。衣可御。以三浣而蝗不惜於仰吞。養之至。

也。有司可假以便宜。而發倉無嫌於矯詔。養之
大也。而一段愛民好士之腸。已肫肫徹入于山
澤矣。是故息戰鬪。務農桑。則賢人喜其不黷武。
練生聚。課教訓。則賢人信其不佚遊。坐黃屋而
繪以流離。進父老而詢以利病。則賢人知其不
驕新絲。懷剜肉之嗟。盤飧觸滴汗之苦。則賢人
欽其不侈。畫地刻木。弛三面之網。則賢人感其
不殘。寬租賜帛。釋一路之悲。則賢人樂其不奪。

夫賢也。不欲誤身于黷武。乃不欲獻策于太平。
乎。不欲暗投于佚游。乃不欲奮翮于英誼乎。不
欲以驚爵祿。輕鐘鼎之身。低眉于驕俊之主。乃
不欲激昂風雲乎。不欲以步臯夔。彷彿伊召之志。
變塞於殘奪之朝。乃不欲發揮勲業乎。如是而
卜祝隱鱗。漁樵藏器。莫不拭目彈冠。霞蒸響應。
抱忠藎。趨闕下。而壯士聚矣。壯士聚而羣策羣
力合矣。朽索賴之無虞。覆盂愈以不動。社稷河

山一奠永奠猶有揭竿于隴盜兵于池者必且
望而反走此極治之象也所謂攬天下之勢者
也由此言之則無論非束帛蒲輪可致抑亦古
來聖君察相櫛風沐雨旰日宵衣所不易致者
也而養民得之養民固可緩哉然則廟堂之上
拊髀無益也民無感額而已設館無益也民無
懸罄而已擁篲築壇無益也使民擊壤遊而已
三謁求龍千金買駿無益也使民寒竈不冷夜

析不驚而已。否則在廷諸臣亦必有解體而色舉者。况欲餌山間之璞哉。是故東海之綸隱約自甘。而一聞樹畜之風。頓使繫懷西伯。宣室之席寵光甚渥。而一失蒼生之問。則寧老去長沙。大抵然矣。漢高帝踞牀溺冠。嫚罵豪傑。而賢卒歸焉。無他。致治世之賢易。致亂世之賢難。非嫚罵則顛倒不神。而養治世之民難。養亂世之民易。借其易。乃可顛倒其難也。嗚呼。此伯術也。罵

士者。高帝之術也。養民者。鄼侯之術也。皆逆而致之者也。以其術也。而原未離乎仁義。故君子取其說而申之。以箴夫權使士而虜使民者。

勤求賢而逸得人。

自古拱手而爲太平之天子者。非太平之從天而下也。有造太平者。有造造太平者。造太平者誰賢是。造造太平者誰求賢是。夫求賢天子盛德事。而每憚不爲。何以故。曰好逸也。夫天子不

好逸則已。誠好逸。未有寢火而逸者。未有處堂
巢幕而逸者。未有代鳥籠。代馬走。代匠斷而逸
者。不力圖已之振衣。而坐使人之袖臂。其始亦
不過厭人之薪積。而其寃必不能解已之亂繩。
則以逸居逸之計。左也。漢王子淵曰。君人者。勤
求賢而逸得人。嗟乎。賢何便於天子。而亟亟求
之也哉。天子方以士前爲逸。而賢必曰。君前天
子。方以喑啞嫚罵爲逸。而賢招不來。麾不去。天

子方以飲酒夜移欵門爲逸而賢不冠不可見
天子方以封禪之書三不足之說爲逸而賢痛
哭天子方以燕然勒銘呼韓稽顙爲逸而賢危
戰勝天子方以合歡之鳥飯書之牛銜杯之馬
爲逸而賢錄金鑑歌于薦天子方以聽彈琴鼓
瑟爲逸而賢訶繁音天子方以枕宦官獻弄兒
爲逸而賢排闥而入坐政事堂而檄召然則折
節求賢適自伐也背上之芒可畏鏡中之瘦不

堪○甚○令○官○家○自○起○撞○郎○而○田○翁○會○須○欲○殺○則○皆○
賢○之○爲○祟○矣○若○復○有○人○能○使○一○身○可○以○散○爲○百○
億○身○目○營○耳○受○口○答○手○規○頃○刻○酌○給○靡○不○瞻○舉○
則○何○所○事○賢○能○使○借○材○異○代○可○以○攝○精○追○魄○呼○
山○靈○投○土○偶○刻○木○爲○吏○則○何○所○事○賢○卽○不○然○能○
使○鶴○可○以○受○甲○麋○鹿○可○以○觸○敵○婦○寺○可○以○補○署○
鈴○下○廝○養○可○以○霸○諸○侯○則○何○所○事○賢○卽○不○然○能○
使○狼○可○以○牧○羊○躋○蹠○可○以○寄○金○莽○操○可○以○託○國○

則又何所事賢然而萬萬無是理也惟賢之於
天子未嘗予以一線之逸而天子苟非賢則岌
岌乎有四顧之憂於是賢始爲必不可少之人
而求賢始爲必不可已之事矣分道遣使以詔
求安車而加璧以束帛求倒屣走迎國士築宮
而朝膝行而進再拜稽首而請教以奉社稷求
一饋十起一沐三握求之酣也拊髀求之渴也
版築屠釣之朋入於夢求之極而精神通也市

死駿求其骨也。式怒蛙求其氣也。禮九九求其
所長也。黃金不問其出入。求其報也。不限門第
科目資格。求其實也。二卵不棄干城。求其死力
也。寬文法。假便宜。從事求其置腹也。迂宮可還
老臣可將。求其一日之用也。公車薦剡二千石
得自辟舉。布衣得自上書。求其委曲而無所容
隱也。以言乎勤。洵勤矣哉。而後起而視薄海內
外。荀列星繁。休者采者。鳴玉者垂魚者。橐筆者。

肘後綰斗大印者。待詔金馬者。執戟侍者。任北
門鎖鑰者。試三輔者。攬轡者。坐嘯者。黃墨授者。
下至抱關督郵者。各各得其人以安位行志。而
絕不聞有羊頭之譏。狗尾之誚。糊心昧目之謠。
如矇修聲。聾司火。戚施直鑄。籛篠蒙璆。各相得
也。如管仲制割。賓胥無削縫。隰朋純緣。交相得
也。如桔槔引之則俯。舍之則仰。如四時當權。則
進成功。則退。次第相得也。卽微有不當。而司勳

之吏稍稍以殿最佐之爲天子者高卧受成而有餘矣。治錦者人理一絲。人司一染。杼軸旣成。主人衣之而過于市。市人曰。主人之錦美錦也。而不曰。某工之所製也。召客者。酒人奉觴。饗人奉膳。伶人鼓歌。客心甚樂矣。明日不謝樂已者。而謝主人。主人使之也。構宮室者。引繩度材。斧者奔而右。鋸者趨而左。他日工竣。鄉人相賀。不賀大匠而賀主人。主人居之也。是則勤於求而

逸於得之明效大驗也。難者曰：天子以無逸作所，豈以得人而敢自暇逸爲？不知無逸者其神而無爲者其體，未得人則權不可落，而旣得人則官不可侵。若復縵縵焉，櫻櫻焉，求田問舍，栽棘插籬，察淵魚，信市虎，駭杯蛇，爪握而不言，印刖而不予，使甲有越俎之嫌，而乙有掣書之嘆。前有瓢裂之患，而後有棟撓之傷，是又任人不逸之過也。千金之子，弟狎不逞之奴，結褵馬之

客敗道也。拒戶而守。數米而炊。亦敗道也。其失家乘一也。是故畊問奴。織問婢。善以家逸者也。決獄問廷尉。錢穀問治粟內史。善以天下逸者也。第無夜半藏舟。使大力者陰負而走。斯可矣。然則天子安得人人物色之。曰求其用賢之賢而已。夫不求而得者。不賢人也。求則得。不求則不得者。衆賢人也。若夫一二大賢人者。求之而未必得者也。故用勤也。勤則上有逸君。而不勤

則下有逸臣。三代以降。曠世奇材。陸沉空谷。而
濟時熱血。消折鹽車者。可勝言哉。漢宣綜覈得
人爲盛。乃未免詩書法律。周召刑餘。故子淵微
諷求賢。而當時子淵轉而持節求金碧之神。抑
又何也。嗟乎。是又先儒所謂能言鸚鵡也。

自序

卷一

上





